

X.



Hurerey. Vnd er bracht mich im Geist in die wiffen. Vnd ich sahe das Weib sitzen auff einem rosinfarben Thier / das war vol Namen der lesterung / vnd hatte zehen Hörner. Vnd das Weib war bekleidet mit Scharlacken vnd Rosin farb / vnd vbergüldet mit Gold vnd Edlensteinen vnd Perlen / vnd hatte einen gülden Becher in der Hand / vnd vnfauberkeit iher Hurerey. Vnd an iher Stirn geschriben / Das Geheimnis / Die grosse Babylon / die Mutter der hurerey vnd aller greuel auff Erden. Vnd ich sahe das Weib trincken von dem Blut der Heiligen / vnd von dem blut der zeugen Ihesu. Vnd ich verwundert mich seer / da ich sie sahe.

(Geheimnis)
Das ist die geistliche grosse Babylon etc.

Vnd der Engel sprach zu mir / Warumb verwunderstu dich? Ich wil dir sagen das Geheimnis von dem Weibe / vnd von dem Thier das sie tregt / vnd hat sieben Heubter / vnd zehen Hörner. Das Thier / das du gesehen hast / ist gewesen / vnd ist nicht / vnd wird wider komen aus dem Abgrund / vnd wird faren ins Verdammnis / Vnd werden sich verwundern / die auff Erden wonen / der namen nicht geschriben stehen in dem buch des Lebens von anfang der Welt / wenn sie sehen das Thier / das es gewesen ist / vnd nicht ist / wie wol es doch ist. Vnd hie ist der sinn / da Weisheit zugehöret.

Das Römische Reich ist / vnd ist doch nicht / Denn es ist nicht das ganze / sondern ist nach seinem Fall durch den Papsi wider auffbracht.

Die sieben Heubter sind sieben Berge / auff welchen das Weib sitzt / vnd sind sieben Könige. ^a Fünff sind gefallen / vnd ^b einer ist / vnd der ander ist noch nicht komen / Vnd wenn er kompt / mus er eine kleine ^c zeit bleiben. Vnd das Thier / ^d das gewesen ist / vnd nicht ist / das ist der achte / vnd ist von den sieben / vnd feret in das verdammnis. Vnd die zehen Hörner / die du gesehen hast das sind ^e zehen Könige / die das Reich noch nicht empfangen haben / Aber wie Könige werden sie eine zeit macht empfangen mit dem Thier. Diese haben eine meinung / vnd werden ire krafft vnd macht geben dem Thier. Diese werden streiten mit dem Lamb / Vnd das Lamb wird sie vberwinden / Denn es ist der Herr aller Herrn / vnd der König aller Könige / vnd mit im die Beruffene vnd Aufferweleten vnd glaubigen.

^a Fünffte / gegen Morgen in Griechenland.

^b (Einer) Das ist Deutschland.

^c Das ist ist Hispania.

^d Roma oder Weichland.

^e (Zehen Könige) Das sind die andern Könige / Als Sungen / Behem Poln / Frankreich

Vnd er sprach zu mir / Die Wasser / die du gesehen hast / da die Hure sitzt / sind Völcker vnd Scharen / vnd Heiden / vnd Sprachen. Vnd die zehen Hörner / die du gesehen hast / auff dem Thier / die werden die Hure hassen / vnd werden sie f wüßt machen / vnd blos / vnd werden ir Fleisch essen / vnd werden sie

^f Sie halten an dem Papsi / vnd schützen in / Aber sie reuffen in wol / das er mus blos werden / vnd die Güter verleren / Defensores Pape / Deuoratores etiu.